

運氣全書云五子者五行之音聲也土曰宮金曰商木曰角火曰徵水曰羽在陽年則曰太在陰年則曰少也書曰角觸也象諸陽氣觸動而生其位丁壬歲也戊癸也言物盛則止其位戊癸歲也商強也謂金性之堅強其位乙庚歲也羽舒也陽氣將復萬物華育而舒生其位丙辛之歲也官中也中和之道無往而不理又總室奠阼而謂之官所圍不一蓋土亦以通貫于金木水火王十四季榮于四藏皆總之意也其位甲巳歲也故五運從十于起甲為土也土生金故乙次之金生水故丙次之如此五行相生而轉甲為陽乙為陰亦相間而數如環之無端詳其五音五運之由莫不上下相召小大相乘同歸于治而已是故因刻以成日因日以成月因月以成歲遞相因以制用雖大古占天望氣定位之始見齡天之氣橫于甲巳為土運素天之氣橫于乙庚為金運立天之氣橫于丙辛為水運蒼天之氣橫于丁壬為木運冊天之氣橫于戊癸為火運則莫不有從焉若以月建之法論之則立運之因又可見也何哉丙者火之陽建于甲巳歲之首正月建丙寅丙火生土故甲巳為土運戊者土之陽建于乙庚歲之首正月建戊寅戊土生金故乙庚為金運庚者金之陽建于丙辛歲

之首正月建庚寅庚金生水故丙辛為水運甲者木之  
 陽建于戊癸歲之首正月得甲寅甲木生火故戊癸為  
 火運壬者水之陽建于丁丑歲之首正月得壬寅壬水  
 生木故丁壬為木運是五運皆生于正月建寅豈非自  
 月歲時相因  
 而制用哉

歲中五運之圖



運氣全書云地之六位則分主于四時天之五運亦相  
 生而終歲度每十歲一司天本篇云初終土而已此則



一歲主運也每運各主七十三日零五刻總五運之數則三百六十五日二十五刻共成一歲蓋將當年之起一歲中通主三百六十五日大運為主將歲之上下因之而名太少五音也若當年是木合自太角而下生之故曰初正太角木生少徵火少徵火生太宮土太宮土生少商金少商金生太羽水則為終亦以太過不及隨之也若當年少宮為大運則上下因之少宮上乃見火故曰太徵太徵火上乃見木故曰少角則主運自少角起故初而至少羽水為終矣木為初之運大寒日交火為二之運春分後十三日交土為三之運小滿後二十五日交金為四之運大暑後三十七日交水為五之運秋分後四十九日交此乃一歲之主運有太少之異也按天元玉冊截法中又有歲之客運行于主運之上與六氣主客之法同故玉冊曰歲中客運者常以應于前二千為初運○申子辰歲大寒日寅初交○亥卯未歲大寒日亥初交○寅午戌歲大寒日申初交○巳酉丑歲大寒日巳初交此五運相生而終歲度也然于經未見其用以六氣言之則運亦當有主客以行天令蓋五行之運一主其氣豈四而無用不行生化者乎然當年大運乃通主一歲如司天通主上半年之

法玄珠指此以謂六元還周言素問隱一音也按天元  
玉冊截法言五運之客互主一歲則經所載者乃逐年  
之主運也明當以玉冊為法則其  
義通玄珠之說補註亦不取之



寒水司天

辰戌歲氣

初氣主厥陰風木

二氣少陰君火

三氣少陽相火

少陽相火加

陽明燥金加

太陽寒水加

天時

天時

天時

地氣遷氣廼大溫草廼早榮

大涼反至民廼慘草廼遇寒火氣遂抑

天政布寒氣行雨廼降

民病

民病

民病

民廼厲溫病廼作身熱頭痛嘔吐肌膜瘡瘍

氣鬱中湯寒廼始

病寒反熱中癰疽注下心熱瞽悶不治者死



泉在土濕

樂化之圖

寒太終  
水陽氣

燥陽五  
金明氣

濕太四  
土陰氣

加土濕陰太

加火君陰少

加木風陰厥

時天

時天

時天

地氣正濕令  
行陰凝太虛  
埃昏郊野

陽復化草  
廼長廼化  
廼成

風濕交爭風  
化為雨廼長  
廼化廼成

病民

病民

病民

民廼慄懷寒  
風已至反者  
孕廼死

民廼舒

大熱少氣肌  
肉痿足痿注  
下赤白




# 交六氣時日圖



運氣全書云陰陽相遘分六位而寒暑弛張日月推移  
運四時而氣令更變故經曰顯明之在君火之位顯明  
謂之日即卯位也君火之右退行一步和火治之復行  
一步土氣治之復行一步金氣治之復行一步水氣治  
之復行一步木氣治之者乃六氣之主位也自十一月  
中氣大寒日交木之初氣次至二月中氣春分日交  
火之二氣次至四月中氣小滿日交相火之三氣次至  
六月中氣大暑日交土之四氣次至八月中氣秋分  
交金之五氣次至十月中氣小雪日交水之六氣每氣  
各主六十日八十七刻半總之乃三百六十五日二十  
五刻共周一歲也若歲外之餘及小月之日則不及也  
但推之歷日依節令交氣此乃地之陰陽所謂靜而守  
位者也常為每歲之主氣寒暑燥濕風火者乃六氣之  
常和氣應之不同者又有天之陰陽所謂動而不息自  
司天在泉左右四間是也輪行而居其上名之曰客氣  
客氣乃行歲中之天命天命所至則又有寒暑燥濕風  
火之化主氣則當祇奉客之天命客勝  
則從主勝則逆二者有勝而無復矣

# 逐年主氣之圖



迎氣全書云地氣靜而守位則春溫夏暑秋涼冬寒爲  
歲歲之常令四時爲六氣之所主也厥陰木爲初氣  
方有氣之始也木生火故少陰君火少陽相火次之  
生至故太陰土次之土生金故陽明金次之金生水故  
太陽水次之皆相生而布其令莫不咸有緒焉本爲初  
氣主春分前六十日有奇自斗建丑正至卯之中  
至此風氣乃行也君火爲二氣主春分後六十日有奇  
自斗建卯正至巳之中天度至此暄淑乃行也相火爲  
三氣主夏至前後各三十日有奇自斗建巳正至未之  
中天度至此炎熱乃行也土爲四氣主秋分前六十日  
有奇自斗建未正至酉之中天度至此雲雨乃行濕蒸  
乃作也金爲五氣主秋分後六十日有奇自斗建酉正  
至亥之中天度至此清氣乃行萬物皆燥也水爲六氣  
主冬至前後各三十日有奇自斗建亥正至丑之中天  
度至此寒氣乃行也六位旋相主氣以成一歲則天之  
六氣每歲轉居于其上以行天令者也其交日時前已  
具載矣○逐年主氣歌 初氣逐年木主先二君三相  
火排連四來是土常爲主五氣金星六水全

# 逐年客氣之圖



運氣全書云六氣分上下左右而行天令十二支分節

令時日而司地化上下相召而寒暑燥濕風火與四時

之氣不同者蓋相臨不一而使然也六氣司于十二支

者有正對之化也然厥陰所以司于巳亥者何也謂厥

陰木也木生于亥故正化于亥對化于巳也雖有卯為

正木之分乃陽明金對化也所以從生于巳也雖有巳

陰所以司于午者何也謂少陰為君火尊位所以正

得南面離位故正化于午對化于子也太陰所以司

丑未者何也謂太陰屬土土屬中宮寄于坤位西南居

未分也故正化于未對化于丑也少陽所以司于寅申

者何也謂少陽相火位卑于君火也雖有午位君火居

之火生于寅故正化于寅對化于申也陽明所以司于

卯酉者何也謂陽明為金酉為西方屬金故正化

于酉對化于卯也太陽所以司于辰戌者何也謂太陽

為水雖有子位以居君火對化辰戌屬土水雖土用孟

子曰水由地中行斯可見矣水乃伏土中即六戊天門

成是也六巳地辰是也故水雖土用正化于戌對化

于辰也此玄珠之說已詳矣莫不各有因焉此天之陰

陽合地之十二支動而不息者也但將年律起當年司

在泉後一氣為初之氣主六十日餘八十七刻半至司  
天為三之氣主上半年自大寒日後通主上半年也至  
在泉為六氣主下半年自大暑日後通主下半年也至  
陰子為首順行又常為太過司天太過不及亦間數則  
與十干起運圖上下相合也故經曰歲半已前天氣主  
之歲半已後地氣主之者此也天之六氣客也將此客  
氣布于地之六氣步位之上則有氣化之異矣經曰上  
下有位左右有紀者謂司天曰上位在南方則面北立  
左右乃左西右東也在泉曰下位在北方則面南立左  
右乃左東右西也故上下異而左右殊六微旨大論曰  
少陽之右陽明治之之緒者乃南面而立以閱氣之至  
非論上下左右之位而與顯明之左君火治之意同  
謂面南視之指位而言也○逐年客氣歌 每年退二  
是客鄉上臨實數下臨方初中六氣排輪取主客興衰  
定弱強 假如子年司天後三辰戌是也太陽寒水為  
初之氣客也亥為二氣子為三氣丑為四氣寅為五氣  
卯為六氣假如丑年司天後三位是亥厥陰風木為初  
氣少陰君火為二氣太陰濕土為三氣少陽相火為四  
氣陽明燥金為五氣太陽陽寒水為終氣

帝曰善陽明之政奈何歧伯曰卯酉之紀也卯酉屬陽明燥金故以

卯五酉之年為屬陽明之政

陽明燥金少角丁為陰木少陰君火清熱勝復同

清勝少角熱復清同正商上見陽明上商與正商同

五常政大論云委和丁卯歲會丁酉其運風清熱

不及之運常兼勝復之氣言之風運氣也清勝氣也熱復氣也餘少運悉同

少角初正太徵少宮太商少羽終義見前

陽明燥金少徵癸為陰火少陰君火寒雨勝復同

寒勝雨復同正商上見陽明同正商伏明癸卯同歲會

癸酉同歲會按本論下文云不及而加同歲會也今此運少徵為不及下加少陰君火故曰同歲會所



謂下者 其運熱寒雨 運氣為熱勝氣 為寒復氣為雨

少徵 太宮 少商 太羽 終 太角 初

陽明 燥金 少宮 巳為 少陰 君火 在泉 風涼勝復同 本為勝

風金復 木為涼 巳卯 其運雨風涼 雨運氣也風勝 氣也涼復氣也

少宮 太商 少羽 終 少角 初 太徵

陽明 燥金 少商 也為陰金 少陰 君火 在泉 熱寒勝復同

熱勝 寒復 同正商 從革之紀上 乙卯 天符 乙酉 歲會

天符 新校正云按天元紀大論云三合為治又六徵 者天會二者歲會三者運會或曰此歲三合曰太一天

符不當更曰歲會者甚不然也乙酉本為歲會又為太 一天符歲會之名不可去也或云巳丑巳未戊午何以

不運言歲會而單言太一天符曰舉一隅則三者可見



去之則是太一天符不  
為歲會也故不可去也  
其運涼熱寒司天為涼在泉  
為熱復為寒

少商 太羽 終 太角 初 少徵 太宮

陽明 燥金 少羽 為少羽 陰水 少陰 君火 兩風勝復同

雨勝 辛卯 少宮 同 新校正云按五常政大論云五運  
風復 不及除同正角正商正宮外癸丑

癸未 當云少徵與少羽同 巳卯巳酉少宮與少角同 乙

丑乙未少商與少徵同 辛卯辛酉辛巳辛亥少羽與少

宮同 合有十年今此論獨于此言少宮同者蓋以癸丑

癸未丑未為上故不更同 少羽巳卯巳酉為金故不更

同 少角辛巳辛亥為木故不更同 少宮乙丑乙未下見

大陽為水故不更同 少徵又除此八年外只有辛卯辛

酉二年為少 辛酉 辛卯 其運寒雨風寒運氣

羽同少宮也

氣也風 復氣也

少羽 終 少角 初 太徵 少宮 太商



凡此陽明司天之政氣化運行後天天氣急地氣明陽專其令炎暑大行物燥以堅淳風乃治風燥橫逆流于氣交多陽少陰雲趨雨府濕化乃敷燥極而澤其穀白丹間氣命大者其耗白甲品羽金火合德上應太白熒惑其政切其令暴蟄蟲廼見流水不冰民病欬嗌塞寒熱發暴振慄癰閉清先而勁毛蟲廼死熱後而暴介蟲廼殃其發暴勝復之作擾而大亂清熱之氣持于氣交初之氣地氣遷陰始凝氣始肅水廼水寒雨化其病中熱脹面目浮腫善眠熱則噎欠嘔小便黃赤甚則淋二之氣陽廼布民廼舒物廼生榮厲大至民善暴死三之氣天政布涼廼布燥熱交